

Isumaginninnermi, ilinniartitaanermi peqqinnissamillu isumaginnittoqarfiit silassorissuusiaq atorlugu sullissisinaanerannut Inatsisartut isumaat takorluugaallu pillugit apeqquteqaat aallaavigalugu oqallisissiaq.

(Inatsisartuni ilaasortaq, Asii Chemnitz Narup, Inuit Ataqatigiit)

Akissuteqaatitut allakkiaq

(Naalackersuisut Siulittaasuat)

Naalackersuisut sinnerlugit Asii Chemnitz Narupimut, Inuit Ataqatigiinneersumut qujanarujussuaq, silassorissuusiaq pillugu apeqqummut pingaaruteqaqisumut oqaluuserinninnissamik qaqitsininnut.

Qitiusumik allattoqarfimmi pisorta qarfiit ataasiakkaarlugit silassorissuusiaq pillugu paasiniaavigineqarsimapput, ilaatigut aqutsinerminnut silassorissuusiap iluaqutissaattut naatsorsuutit pillugit apersuisoqarsimalluni. Pisorta qarfiit ilaasa silassorissuusiaq atulereersimavaat, amerlanertigut nutserinernut tunngatillugu. Ilaat silassorissuusiaq pillugu pikkorissarneqarsimapput. Maannakkumut qitiusumik allattoqarfimmi silassorissuusiap ator neqarnera killeqarpoq. Massakkumut suleqatigiissitaqarpoq, taakkualu Nutserisoq.gl -ip ator nissanut periarfissanik misissuilerutterput.

Siunissami naatsorsuutigineqarpoq silassorissuusiap pisorta qarfinni suliassani assigiinngitsuni ator neqalernissaa, taamaattumik aamma isumaginninnermi, ilinniartitaanermi peqqinnissaqarfiullu iluani ator neqalerumaarluni. Silassorissuusiaq atorlugu ingerlatsiviit pitsaanerumik aningaasatigullu pitsaanerumik ingerlatsiviusinnaalissapput. Silassorissuusiap eqqortumik ator neratigut tamanna aatsaat qulakkeer neqarsinnaavoq.

Pisorta qarfiit silassorissuusiamik atuisut ammasumik ersarissumillu atuissapput. Pitsaassutsip qaffasissup ator neqarnissaa qulakkeerniarlugu navianaataasinnaasunik aqutsinermi sakkunik atuisoqartariaqarpoq.

Siunissami silassorissuusianik atuiniaraanni maannakkumut eqqarsarluarluni silassorissuusianik atuinnissamut periu seqarnissap suliarineqarnissaa aallartinneqartariaqarpoq. Massakkumut silassorissuusiap inuit silassorissusaattut inngillat, inuilli minutsini aalajangersimasuni paasissutissat katersorsinnaasaannit amerlanernik pissarsisinnaapput.

Nuna tamakkerlugu digitalinngortitsiner mut periusissiaq 2024-mit 2028-mut atuuttussami silassorissuusiap aaqqissuussamik pingaarnersiuinermillu tunngaveqarluni ator neqarnissanut iliuusissamik imaqarpoq.